



# Ko e ha ‘a e Feitu’u Pule’i Makehe


Ko hono vahe’i ‘o ha konga tahi ke pule’i ‘e ha kolo matatahi ‘o fakatatau ki he tu’utu’uni ‘a e Lao ki he Pule’i ‘o e Toutai 2002 ki he taumu’ā ke pule’i faka-kolo ‘a e Toutai ‘i honau matafanga.

## SMA Feitu’u Pule’i Makehe:

‘Oku ngofua ‘a e toutai ‘o fakatatau ki he ngaahi tu’utu’uni pau, tukukehe ‘a e Feitu’u Malu’i ‘a e Nofo’anga ‘o e Ika.

## FHR Feitu’u Malu’i ‘a e Nofo’anga ‘o e Ika:

‘Oku tapu ke fakahoko ha toutai ‘i he ‘elia tapu ‘aupito.



# Founga hono faka’ilo ha ngaahi maumau lao ‘i he Feitu’u Pule’i Makehe?

Lipooti hangatonu ki he ‘Api Polisi ofi taha pea ke fakahoko mai ki he ‘ofisi ofi taha ‘a e Potungaue Toutai ke nau tokoni atu.



## KO E HA?

- Fakapapau’i ‘a e maumau lao pea mo e kupu’i lao ‘oku maumau’i
- Fakapapau’i e fa’ ahinga ‘o e ika ‘oku ma’u pea mo e founga toutai mo hono fakaikiiki
- Tanaki mo ha ngaahi fakamo’oni pau (ngaahi ‘ata)



## KO HAI?

- Fakapapau’i ‘a e vaka mo e tokotaha toutai
- Hingoa mo e Lesisita
- Tokolahi ‘o e vaka/ kau toutai



## TAIMI

- Taimi mo e ‘aho na’e hoko ai



## FEITU’U

- Omai ‘a e faka’ ilonga ofi taha ‘i ‘uta, hakau pe ko hono tu’u’anga fakasiokalafi.

Kapau ‘e malava mo ‘aonga, ‘e fiema’u mo ha ngaahi la’ita.



Potungaue Toutai, Hala Vuna, Sopu, Tongatapu, Tonga

+676 74 01201

Ministry of Fisheries - Tonga

Illustrations by Eudanla



# Feitu’u Pule’i Makehe

• Toutai fakapotopoto  
• Toutai tu’uloa



# Ngaahi Tu'utu'uni Fakalukufua.

## SMA Feitu'u Pule'i Makehe

'Oku ngofua pe ki ha taha pe vaka toutai kuo lesisita 'i he Tohi Lesisita 'o e Kau Toutai mo e Ngaahi Vaka Toutai 'o e Feitu'u Pule'i Makehe, ke toutai 'i he Feitu'u Pule'i Makehe ko ia.



Ko ha taha pe vaka 'oku 'ikai le lesisita kuo pau ke kole ha'ané tohi ngofua mei he Komiti Pule 'a e Kolo Matatahi

'Oku 'ikai ngofua ki ha taha pe ke ne fakahoko ha toutai 'o fakataumu'a ki he 'akualiume 'o kau ki ai -feo, ika mo'ui, maka mo'ui pe fa'ahinga koloa 'akualiume

> 'Oku 'i ai mo e ngaahi tu'utu'uni makehe ki he Feitu'u Pule'i Makehe kotoa pe.

## FHR Feitu'u Malu'i 'a e Nofo'anga 'o e Ika

'E 'ikai ngofua ki ha taha ke ne fakahoko ha fa'ahinga toutai 'i he Feitu'u Malu'i 'a e Nofo'anga 'o e Ika.'E fakangofua 'e he Komiti Pule ha fa'ahinga ngae ke fakahoko 'i he feitu'u ni:



siofi, muimui'i mo ha ngae ke to e tanaki atu ki ai ha ngaahi me'a mo'ui

ngaahi ngae fakatikamata

'i ha fakatamaki pe ko ha taimi 'oku fiema'u ke fakahaofi mo'ui ai ha vaka pe kau vaka.

> Ko ha fa'ahinga ngae kehe 'oku fiema'u ke tomu'a fakangofua mei he Komiti Pule, fakataha mo ha tohi fakangofua mei he Potungaue Toutai.

# Ko e hā hono lelei?

'Oku tokoni 'a e Feitu'u Pule'i Makehe, ki hono malu'i mo fakatolonga 'a e ngaahi me'a mo'ui 'i he matafanga.



**Pule'i fakakolo 'o e toutai.**  
Faingofua ange 'a hono tokanga'i 'o e me'a mo'ui 'i loto 'i he Feitu'u Pule'i Makehe.



**To e fakalahi atu 'a e ngaahi me'a mo'ui 'i he 'elias tapu 'aupito mo honau ngaahi nofo'anga.**  
'E fanau e ika pea nau mafola atu ki he ngaahi feitu'u kehekehe.



**Faka'ilo ha ngaahi founiga toutai 'oku tu'uloa mo fakapotopoto.**



**To e fakalakalakaange 'a e tu'unga e anga 'o e nofo 'i he ngaahi kolo.**

# Ko e founiga hono fokotu'u ha Feitu'u Pule'i Makehe 'i ha kolo.



## 1 Fakahaa'i 'o e mahu'inga'ia

'Oku fakahaa'i 'e he kolo 'enau fie kau mai 'aki 'enau fakahu ha tohi kole ki he Potungaue Toutai.



## 2 Fakataha mo e kolo ke fakapapau'i

Ko e fuofua fakataha eni mo e kolo ke fakapapau'i 'a 'enau lototaha ke kau mai ki he polokalama.



## 3 Fili 'o e Komiti Pule 'a e Kolo Matatahi

'Oku fakahoko 'e he kolo ha fakataha pea mo e Potungaue Toutai ke fokotu'u ai ngaahi memipa 'o e komiti.



## 4 Fa'unga 'o e Palani Pule

'Oku fa'u 'e he kolo ha palani ki hono pule'i 'o e Feitu'u Pule'i Makehe 'o tokoni ki ai 'a e Potungaue Toutai.



## 5 Polokalama fetalanoa'aki

Ko e fakataha eni ki hono fakahoko 'a e palani fakaangaanga ki he kolo, ngaahi kolo kaunga'api pea mo e fanonganongo ke fakaafe'i ha taha pe ni'ihi 'oku 'i ai ha'anau fokotu'u fakakaukau fo'ou pe 'oku 'ikai loto fiemarie ki hono fokotu'u 'a e Feitu'u Pule'i Makehe.



## 6 Tali 'o e Palani

Ko hono tali 'o e palani kuo pau ke fai ha sio fakalukufua ki ai pea fakahu ki he Komiti Fale'i 'a e Potungaue Toutai, Minisita Toutai pea mo e Kapineti.



## 7 Kasete'i mo hono Fakalao'i

'Oku fa'u leva 'a e lao pe tu'utu'uni ki he Feitu'u Pule'i Makehe mei he palani, ke kasete'i mo fakalao'i.



## 8 Fanonganongo mo hono fakahoko 'o e palani

'Oku fanonganongo leva ki he kakai 'o e fonua pea fokotu'u leva 'a e Feitu'u Pule'i Makehe.